



Reueren

DISSIMI DOMINI/ DOMINI

Thomæ de Vio Caietani Cardinalis sancti Xysti:

De communione

De confessione

De satisfactione

De inuocatione sanctorum

Aduersus Luteranos tractatus:



5.20.57

1831

1831

1831

1831

1831

1831

1831

1831

1831

1831

1831

1831

1831

1831

1831

1831

1831

1831

1831

1831

1831

THOMAE DE VIO CAIETANI

Cardinalis sancti X Y S T I : de quattuor Lu-
teranorum erroribus tractatus.

PROOEMIUM.



Pertinax Luteranorum animus
prætextu conscientiae Clemens
septime Pontifex maxime erga
communione populi sub utraq;
Eucharistiae specie confessio-
nemq; non omnium peccatorum
ac negatam satisfactionem necnon inuocationem sancto-
rum, inuitat me ad scribendum de his : non absolute sed
quatenus pendent ex sacra scriptura : quoniam ipsi solius
sacrae scripturae auctoritatem suscipiunt / & profitetur
se illi inniti. Et quauis pertinacibus non proderunt no-
stra hæc, speramus tamen utilia foretum ad retraben-
dum alios ne illos imitentur. tum ad consolandū fidelium
mentes. uidere enim in sacra scriptura falsitatem eorum
quæ hæretici iactantes se professores sacri euangelij do-
cent / non paruum solatium fidelibus confert. Et quauis
hæc pro ecclesia catholica scripserim, ad tribunal tamen
beatitudinis tuæ non minus hæc quàm reliqua mea om-
nia refero.

DE COMMVNIONE SVB

utraq; Specie: Caput primum.



Veteranis non sat est / ipsos communicare sub utraq; Specie, sed nequeunt flecti ad dicendum licitam esse communionem sub altera tantū Specie. quia tum ex usu Christi tum ex præcepto eiusdem communicandum est sub utraq; Specie. Proinde opus est discutere secundū scripturas sacras utrumq; ut uidelicet manifestemus nec ex uiu usu Christi nec ex ui præceptorum eius illicitū esse populo cōmunicare sub altera tantū Specie. hoc siquidem patefacto / clarum erit non tencri populum ex diuina lege ad communionem sub utraq; Specie.

¶ Quia igitur saluator noster in ultima cœna instituens sacramentum Eucharistiæ usus est hoc sacramento sub utraq; Specie communicando apostolos (ut euangelistæ testantur) hinc infertur quòd sacerdos non nisi sub utraq; Specie dare debet eucharistiam. debet enim sacerdos dare eucharistiam quemadmodum dedit illam Christus. & similiter debemus omnes communicare quemadmodum communicauerunt apostoli.

¶ Nos autē facile manifestamus usum Christi & apostolorum / non habere nim legis quòd simili modo distribuatur populo eucharistia, nam si ille usus Christi nim

legis haberet, non obligaremur ad quādam in usu illius
distributionis seruata & ad quādam non / sed ad omnia
in illo usu seruata. perspicuum autē est / nos non obligari
ad omnia in illa distributione facta a Christo. ergo nec
tenemur distribuendo eucharistiam seruare hoc unum: ui-
delicet dare sub utraq; specie. Quod enim nō teneamur
ad seruandum omnia, patet tum quia Christus fregit fra-
ctamq; dedit speciem panis: ridiculū autē est dicere quod
sacerdos teneatur dare hostiam fractam, tum quia Chri-
stus distribuendo non immisit in ora apostolorum eucha-
ristiam, sed dixit / Accipite & comedite: ridiculum autē
est dicere quod sacerdos tenetur non immittere eucha-
ristiam in os communicantis sed dare in manū illius ut ipse
se communicet. tum quia Christus distribuit hoc sacra-
mentū apostolis post cœnam: plus autē quā ridiculum
est dicere quod teneamur cōmunicare post cœnam / illici-
tūq; sit dare eucharistiam ieiunis. tum quia Christus
dedit eucharistiam sub specie panis azymi, & tamen
uniuersalis ecclesia fatetur non esse illi. tum eucharistia
uti siue in azymo siue in fermentato. ex his enim omnibus
clare patet quod distributio eucharistiæ qua usus est
Christus non habet uim legis / statuentis ut similiter fiat
distributio a nobis. ¶ At si quis hanc contenderit in hoc
u no imitandam esse Christi distributionem quod sub

utraq; specie dedit eucharistiam. animaduertat Christum
dedisse sub utraq; specie apostolis solis, & non dedisse
septuaginta discipulis nec multitudini eorum qui crede-
bant in illum: ut uel ex hoc sat sit inferre ab exemplo
Christi / ergo successoribus apostolorum danda est eucha-
ristia sub utraq; specie. non enim plus inferri potest ex
CHRISTI distributione. nō igitur inferri potest / er-
go uniuerfis Christianis danda est eucharistia sub utraq;
specie. Patet itaq; quod ex usu Christi nō potest inferri
illicitam esse communionem populi sub altera tantū spe-
cie. Et multò minus inferri hoc potest ex usu ecclesiæ
Corinthiorum cuius meminit Paulus in prima epistola
ad Corinthios. usus enim unius particularis ecclesiæ non
statuit legem ecclesijs alijs. Hæc de usu.

¶ Discutiēda sunt deinceps præcepta Christi tam ante
institutionem eucharistiæ quàm in ipsa institutione pro-
mulgata. Primum itaq; præceptum ex uerbis domini
Ioan. vj. olim assumptum est a Boemis. ait enim Chri-
stus / Nisi manducaueritis carnem filij hominis & bibe-
ritis eius sanguinem / non habebitis uitam in uobis. quid
inquiunt clarius? Eodem enim modo necessitatem com-
municandi sub utraq; specie promulgat quo promulgaue-
rat necessitatem baptismi. nam quemadmodum de ba-
ptismo dixerat Ioan. iij. Nisi quis natus fuerit ex aqua

& Spiritu non potest introire in regnū dei, ita de eucharistia dicit nisi comederitis carnem filij hominis & biberitis eius sanguinem non habebitis uitam in uobis. ¶ Nos autem dicimus hæc Christi uerba non esse secundū genuinum sensum intelligenda de usu eucharistiæ: immo nec posse intelligi salua Christiana fide de cibo & potu sacramentali. Et hoc facile manifestatur, ex eo quòd si intelligeretur de eucharistia / tolleretur baptismi sufficiētia ad salutem. pari siquidem modo hæc necessitatem sonant edendi carnem & bibendi sanguinem filij hominis quo sonant illa alia domini uerba necessitatem nascendi ex aqua & Spiritu. & propterea manifeste sequitur quòd si in istis uerbis indicitur necessitas sumendi eucharistiā / non sufficit baptismus ad salutem: sed ad hoc quòd aliquis habeat uitam oporteret & baptizari & sumere eucharistiā. Cuius contrarium non solum in symbolo fateamur / confitentes unum baptisma in remissionem peccatorū: sed dominus in euāgelio dicit / Qui crediderit & baptizatus fuerit saluus erit. & Paulus apostolus ad Tit. iij. Saluos, inquit, nos fecit per lauacrum regenerationis. Quia igitur idem est asserere uerba illa Christi Ioan. vj. intelligi de cibo & potu sacramenti eucharistiæ / & negare baptismi sufficiētiā ad salutem, clare patet uerba illa nec intelligi nec intelligi posse de cibo

& potu eucharistiæ. & propterea inde non habetur præceptum ad sumendum eucharistiam sub utraq; specie. Discutere autem quis sit Germanus sensus illorum Christi uerborum / nō est præsentis negocij. nam sit est propositæ quæstioni nosse quod nō loquitur ibi dominus ad literam de sacramentali cibo & potu.

Superest demum discutere præcepta Christi promulgata quando instituit eucharistiæ sacramentū. Vide euangelia omnia: & nullum inuenies in illis de eucharistia præceptum. nisi apud Lucam immediate post eucharistiam sub specie panis / Hoc facite in mei commemorationem. Apud tamen Paulum apostolum. j. ad Cor. xj. duo præcepta leguntur data à Christo in institutione eucharistiæ. alterū immediate post eucharistiam sub specie panis / Hoc facite in mei cōmemorationem. alterum immediate post eucharistiā sub specie uini: uidelicet / Hoc facite quotienscunq; biberitis in mei commemorationem. & Quæ præcepta si perspicacius fuerint considerata, nullum secum ferūt mandatū de communione sub utraq; specie: ut patet discutiendo singula. Præceptum enim immediate post speciem panis tam apud Lucam quàm apud Paulum manifeste refertur ad eucharistiam sub specie panis: ut ipse contextus testatur. præceptum autem apud solum Paulum scriptum de imitatione Christi
in

in eucharistia sub specie uini / limitatur manifestissime
ad uices quibus bibimus in commemorationem Christi.
ita quod non est præceptum absolute, sed est præceptum
ex suppositione: uidelicet si biberimus in Christi memo-
riam / faciamus hoc quod fecit Christus, non igitur præci-
pit ut bibamus in eius memoriam, sed præcipit ut quoties
in eius memoriam biberimus / faciamus quod fecit ipse:
hoc est quoties utemini calice eucharistiæ / sacrificate
hoc. Bibere namque manifeste significat usum calicis: &
consequenter facere hoc distinctum contra bibere / signi-
ficat consecrare hoc. præcipitur enim ad literam ut asso-
cietur usus calicis sacrificio calicis. Et ex hoc ipso quod si-
milcm associationem non præcipit circa usum eucharistiæ
sub specie panis, insinuat quod usus quidem calicis illicitus
esset seorsum à sacrificio: usus uero sub specie panis lici-
tus: ut ritus ecclesiæ seruat, non reseruando eucharistiam
sub specie potus sed duntaxat sub specie panis / & pro
infirmis & pro cōcantibus extra missarum solennia.
¶ At si quispiam contenderit quod hoc præceptum dire-
cte obligando sacerdotes consequenter obligat populum.
Nam ex eo quod bibentibus in Christi memoriam præci-
pitur hoc facite / manifeste sequitur quod sacerdotibus ce-
lebrantibus missas (quos constat bibere in Christi commē-
morationem) præcipitur hoc facite: sed sub hoc facite com-

præhenditur etiã dare alijs calicem. quia comprehendit
omnia quæ Christus fecit circa calicem. ergo ex hoc præ
cepto sacerdos tenetur quoties ipse bibit dare alijs calicẽ:
ac per hoc alijs tenentur accipere & bibere. Aduertat hoc
argumento utens / in primis ad textum literæ: quia con
textui literæ non quadrat hic sensus. Nam in litera / hoc
facite distinguitur contra bibere: ac per hoc conficere sa
cramentum distinguitur contra usum sacramenti: ac per
hoc non tam amplè in hac litera extenditur hoc facite, sed
ex ipso contextu restringitur ad demonstrandum ipsum
sacramentum ut distinguitur contra usum sacramenti /
eo ipso quòd distinguitur cõtra usum calicis. Quæcunq;
igitur spectat ad usum calicis comprehenduntur hic sub
bibere: & quæ spectat ad ipsum sacramentum compræ
henduntur sub facere hoc / secundũ suauem contextus sen
sum. perspicuum autem est quòd dare alijs calicem spe
ctat ad usum sacramenti & nõ ad sacramentum ipsum.
non igitur comprehenditur in hac litera sub hoc facite /
dare alijs calicem. Aduertat deinde quòd Lutherani non
constarent sibi ipsis dicendo sic: quia ex hoc argumento
sequitur manifestè quòd sacerdos celebrans tenetur dare
calicẽ omnibus præsentibus / si hoc facite comprehendit
etiã dare sacramentũ ut Christus dedit. nam Christus
dedit omnibus præsentibus, constat autẽ Luteranos hoc

non seruare. non igitur obligatur Christianus populus
ad bibendum sacramentum eucharistiæ ex hoc Christi
præcepto secundū planū suauissimūq; literæ sensum.
Et quia nullibi nisi in allatis locis habetur in sacra scri-
ptura mandatum aliquod de communione eucharistiæ,
manifestum est quod non tenetur Christianus populus
ex præcepto in diuino iure scripto ad cōmunionem sub
utraq; specie. uoluntarie igitur & nō auctoritate scriptu-
ræ prædicatur illicitam esse cōmunionem sub specie pa-
nis tantum. Et hoc sufficit aduersus Luteranos / solius sa-
cræ scripturæ auctoritatem suscipientes. Hæc de cōmu-
nionem populi sub altera tantū specie.

DE INTEGRITATE CONFES-

sionis quo ad peccata omnia: Caput secundum.



CONFITERI peccata mortalia
omnia quæ quis admisit / Luterani non
solum negant esse necessarium, sed affir-
mant repugnare sacræ scripturæ / &
esse impossibile: quia scriptum est / Deli-

cti quis intelligit?

Nos autē dicimus haberi ex euangelio confessionem pec-
catorum mortalium omnium, & non ob stare prophetæ
sententiam allatam. Quod enim peccata omnia confiten-
da sint in sacramentali confessione, ex ipsa forma mini-


strandī sacramentum pœnitentiæ tradita à Christo quan-
do instituit hoc sacramentum Ioan. xx. manifestatur.
Aut enim Christus apostolis: Quorum remisistis pec-
cata remittuntur eis, & quorū retinueritis retenta sunt.
In quibus uerbis datur à Christo ministro sacramenti fa-
cultas duarum actionū: uidelicet remittendi uel retinendi
peccata quorumcūq;. & ex hoc ipso quod ministro com-
mittitur facultas discernendi an remittenda an retinenda
sint peccata cuiusq; pœnitentis, manifestè sequitur quod
oportet ministrum (nisi cæcus ministrare uelut) nosse si
in pœnitente est aliquod peccatum retinendum: quod est
nosse si in pœnitente est aliquid impediens remissionem.
nam omne peccatum retinendum impedit remissionem cu-
iuscūq; peccati hominis confitentis: quia nō potest simul
unum peccatum remitti & aliud retineri. nam mortalia
peccata quacūq; unius hominis cōnexa esse tam quo ad
remissionem quam quo ad retentionem & relatiue ad
deum & relatiue ad Christi ministrum / perspicuū est.
Et relatiue quidem ad deum, patet ex eo quod ille cui re-
mittitur à deo peccatum / amicus dei constituitur: iuxta il-
lud / Beatus uir cui nō imputauit dominus peccatum. ille
autem cuius retinet deus peccatum & manet in peccato
unico / inimicus dei est: utpote omnium reus: iuxta illud
Iaco. ij. Qui in uno offendit / reus omnium factus est.

Ex hoc autē quod tam remissio quā retentio diuina est
peccatorum mortalium omnium quæ quis habet, manifestē
sequitur quod etiam tam remissio quā retentio quæ fit à
Christi ministro / debet esse non aliquorum peccatorum
mortalium confitentis sed omnium: quia tam remissio quā
retentio ministri debet esse talis ut remissioni assistat di-
uina remissio & retentioni assistat diuina retentio: alio-
quin non uerificarentur Christi uerba, Quorum remise-
ritis peccata remittuntur eis / & quorum retinueritis re-
tenta sunt. Non uendicaret autem sibi remissio ministri /
assistentiam remissionis diuinæ, si discordaret à remissio-
ne diuina. discordaret autē, si deo remittente omnia uel re-
tinente omnia / minister quoque non remitteret omnia uel
non retineret omnia. ad hoc autem ut minister uel remit-
tat omnia uel retineat omnia, oportet ministro innotescere
omnia / nisi cæcus ac temerarius remissor uel retentor sit.
& quoniam ministro Christi peccata pœnitentis per
ipsius confessionem propriam innotescunt / consequens est
ut oporteat confitentem confiteri omnia sua mortalia pec-
cata. Vide / examina & libra prudens lector quæ dixi-
mus: & perpendes ex ipsa institutionis forma in euang-
elio scripta / haberi confessionem omnium peccatorum.
SVPER EST diluere obiecta à Luteranis: distin-
guendo de confessione uel absolute uel ut est actus huma-

nus. Est autē confiteri omnia absolute / nullum peccatum
inconfessum relinquere: confiteri uero omnia ut confessio
est actus humanus / est confiteri omnia quorū confessio
subest humanæ facultati. Vnde ex hoc quod delicta nul-
lus ad plenum intelligit, esto quod impossibile sit homi-
nem confiteri absolute omnia peccata sua (quoniā ignota
relinquit inconfessa) non tamen hinc sequitur quin confes-
sione humana possit quis confiteri omnia peccata sua:
quoniā sub integritate confessionis humanæ non compræ-
henditur omnia peccata absolute, sed duntaxat nota &
quorum quis memoriam habet. nam oblita & incognita
confiteri non subest facultati humanæ. Et quia perspicu-
um est sub lege tam diuina quàm humana actionem nul-
lam exigi ab homine quæ nō sit in hominis potestate, ideo
quū ex euangelio habetur confessionem omnium pecca-
torum requiri ad sacramentum pœnitentiæ / non est ser-
mo de confessione omnium peccatorum absolute / sed de
confessione omnium peccatorum ut subest facultati hu-
manæ. quod est dicere ut pœnitens confiteatur omnia pec-
cata sua non ignota nec oblita. Hæc de confessione om-
nium peccatorum.

DE SATISFACTIONE:

Caput tertium.

ATISFACTIONEM pro peccatis quæ tertia pars pœnitentiæ ponitur, Lutherani negant, tum quia nō habetur ex sacra scriptura: tum quia opera nostra non sunt meritoria nec satisfactoria.

Nos autē dicimus ex sacra scriptura haberi necessariam quandoq; esse post ueniam peccati satisfactionē pro peccatis, camq; fieri posse operibus nostris. Et quidem post consecutam ueniam peccati, satisfactionem quandoq; superesse pœnæ pro peccato / testatur duplex modus quo deus remittit peccatum. Legimus enim deum quandoq; remittere peccatū quo ad culpam & quo ad pœnam: ut patet tum in latrone, cui dixit / Hodie mecum eris in paradiso, tum in remissione peccatorum quæ fit baptismo. gratia siquidem baptismalis sola sufficit ad salutē æternam, si antequam baptizatus moriatur nouum peccati obicem non ponat ultimo baptismi effectui qui est uita æterna. Et in huiusmodi remissionibus perspicuum est non esse opus satisfactione. Legimus quoq; deum quandoq; remittere peccatum & non remittere totam pœnam peccati: ut patet. ij. Reg. xij. ubi clare legimus quòd arguente Nathan propheta Dauidem de adulterio simul & homici-

dio / & dicente Davide Peccavi domino, respondit Na-
thab: Etiam dominus transire fecit peccatum tuum / &
non morieris, ueruntamen filius qui natus est tibi / mo-
rietur. Ex his enim patet deum remisisse peccatum &
quo ad culpam & quo ad aliquam pœnam: nō remisisse
autem quo ad punitionem Davidis in morte filij, nec (ut
subiuncta in capite. xvj. testantur) quo ad punitionem
eiusdem in publica uiolatione uxorum à proprio filio, nec
quo ad punitionem eiusdem in perpeffione mali ex do-
mo propria. nam propter hoc peccatum passus est ab
Absalon filio suo. omnes siquidem pœnas has ex parte
dei Nathab propheta comminatus est propter illud pec-
catum Davidis. Ex hoc igitur quod deus remittit quan-
doq; peccatum / & tamen post peccati ueniam restat
qui peccauit adhuc puniendus, manifeste discimus deum
quandoq; remittere peccatum & non remittere totam
pœnam pro peccato debitam. Hinc ergo nascitur necessi-
tas exoluendi illud pœnæ reliquum quod deus non remi-
sit remittendo peccatum.

Quia autem huiusmodi reliquæ pœnæ exolui possunt
dupliciter (uel satisfaciendo uel satisfaciendo) & Da-
uid exoluit satisfaciendo (nam non ipse intulit sibi ipsi
quas debebat pœnas sed deus intulit eas illi) superest
ostendere ex scriptura quod huiusmodi reliquias pœnæ
possumus

possumus satisfaciendo exolvere. Lege in euangelio Mat
thæi cap. iij. Et inuenies Ioannem Baptistam prædi
cantem duo. alterum pœnitentiam agite: alterum facite fru
ctum dignum pœnitentia. Quorum primum spectare
ad ipsum peccatum / græca dictio apertius manifestat:
dum simplicem pœnitendi actum significat. Secundū au
tem uerba ipsa testantur ad nostra opera pœnitentiam
consequentia pertinere. fructus enim pœnitentiæ sonat
opus proueniens à pœnitentia ut à radice seu arbore. Et
ex eo quod non dicit facite fructum dignum innocentia /
seu fructum dignum iustitia / seu fructum dignum boni
tate / sed fructum dignum pœnitentia, manifestum sit
quod de fructu digno pœnitentia formaliter (hoc est qua
tenus pœnitentia) loquitur: ut uidelicet faciant fructum
dignum radice internæ pœnitentiæ. Perspicuum autem
est ex eo quod pœnitentia est præteritorum peccatorum,
quod fructus dignus pœnitentia est opus restaurans ea
quorum est pœnitentia: hoc est reparans ea quæ omisisse
uel commisisse nos pœnitet. hoc autem uocamus satisfac
ere pro peccatis: pro quanto in hoc comprehenditur dele
tio omnium malorum quæ in pœnitente remanserunt ex
peccato: quorum unum est reatus reliquæ pro peccato pœ
næ. Si enim pœnitentia non fructificaret reparationem
omnium perditorum per peccatum / nequaquam ad fru

Etus dignos se ipsa extenderetur quoniam suapte natura
exigit ut ad perfectum ducatur quod ipsa inchoauit : Et
clarum est ad perfectum non duci donec superest ali-
quid ex peccato soluendum. v Ex autoritate itaq; sacræ
scripturæ habetur quòd quandoq; post ueniam peccati
opus est satisfactione, quæ fit per opera qui sunt fru-
ctus digni poenitentia.

Q U O D uero obijcitur de nostris operibus quòd nec
meritoria nec satisfactoria sunt / indignum censeo discus-
sione noua. Nam sacra scriptura plena est sententijs so-
nantibus tū quòd opera nostra non sunt meritoria / tum
q; opera nostra sunt meritoria. & perspicuum est has
duas sententias non sibi nuicem aduersari : sed esse sen-
sum quòd opera nostra quatenus sunt ex nobis non sunt
meritoria, & consequenter nec satisfactoria : quòd q; ope-
ra nostra quatenus ex diuina sunt gratia & prauemen-
te & subsequente & perficiente sunt meritoria, & con-
sequenter satisfactoria . Et ambo tam clarè habentur in
innumeris scripturæ locis / ut apud exercitatos in sacris
luteris luce meridiana clariora sint . Et propterea per-
transseo, Hæc de satisfactione.

DE INVOCATIONE SAN-

ctorum: Caput quartum.



VTERANI inuocationem san-
ctorum aiunt ex scriptura nō haberi. Et
quanuis nō putem eos loqui de inuocatio-
ne sanctorum angelorum sed sanctorum
hominum, tutiorem tamen eligendo partem declarabimus
summarie primū de sanctis angelis / deinde de sanctis ho-
minibus quæ habentur in scriptura de inuocatione eorū.
¶ Et quidem quod angeli intercedant pro nobis, clare pa-
tet Zach. j. ubi angelus dicit deo. Domine exercituum
usquequo non misceberis Hierusalem & urbium Iuda
quibus iratus es iam septuaginta annos? Matthei quoque
xxij. dominus dicit angelos causam agere pusillorū qui
contemnuntur. uidete ne contemnatis unum ex pusillis
istis: dico enim uobis quod angeli eorum in cælis semper
aident faciem patris mei / proculdubio ad patrociniū præ-
standum pusillis contemptis. ¶ Quod autem inuocandi
à nobis sint sancti angeli, habetur in primis ex Gen.
xxxij. ubi Iahacob inuocauit angelum ad benedicendum
sibi. non dimittam, inquit, te nisi benedixeris mihi. De-
inde ex Danielis. vj. ubi Daniel de seipso dicit. acce-
ssi ad unum de assistentibus, & ueritatem quærebam
ab eo. Nec est dubium quod de sanctis angelis assistenti-

bus loquitur. Ad Hebræos quoque cap. j. de sanctis angelis dicitur quod omnes sunt administratores spiritus qui in ministerium mittuntur, propter eos qui hereditatem capient salutis. Ex hoc enim quod deus disposuit gubernare nos per medios angelos / non propter se deum sed propter nos heredes uitæ æternæ, ordinasse intelligitur ut nos inuocemus sanctos angelos tanquam medios inter nos & deum. nisi usque adeo desipere liceat ut dante principe seu curia aduocatum peregrino uel pupillo / negetur simul disponi ut peregrinus aut pupillus inuocare possit patrocinium aduocati dati.

QVOCIRCA inuocationē sanctōrum angelorum utpote manifestam secundū sacras scripturas relinquendo / ad inuocationem sanctōrum hominum transeamus. Duobus modis inuocare cōsueuimus sanctos. uel directe eos rogando: puta, sancte Petre ora pro nobis. uel rogando deum per sanctōrum merita: ut in canone missæ ecclesiæ consuevit rogare / dicendo, quorum meritis precibusque concedas &c. ¶ Vtroque autem modo ex sacra scriptura haberi inuocationē sanctōrum dicimus. Et quidem quod animæ sanctōrum intercedant pro nobis, habetur ex Apoc. cap. .vj. Vidi sub altari animas interfectōrum propter uerbum dei: & clamabant uoce magna, dicentes. Vsq̃ue quo domine sanctus & uerus nō iudicas & uin

dicas sanguinem nostrum de ijs qui habitant in terrar
Ex hoc enim quod animæ sanctorum orant deum contra
malos habitantes in terra, manifestè discimus quod multo
magis orant pro salute electorum: quanto propensior est
uoluntas sanctorum ad bonum nostrum: quam ad malum
nostrum. Rursus Luc. xvj. reuelauit nobis dominus quod
diues in inferno intercessit pro fratribus suis in hac uita
manentibus. ex hoc enim reuelatum esse insinuat quod
multo magis sanctæ animæ intercedant pro salute suo-
rum. Nam si diues cui dum esset in hac uita nulla fuit cu-
ra salutis fratrum in tormentis positus etiam importune
supplicat pro salute fratrum, multo magis sancti uiri quo-
rum in hac uita studium fuit circa salutem fratrum, exuti
carnem iamque beati continuant charitatis affectum &
intercedunt pro salute fratrum.

Quod autem a nobis inuocandi sint, ex scriptis Matth.
xxvj. habetur. Scribitur enim ibi quod multa corpora
sanctorum qui dormierant surrexerunt & uenerunt in
sanctam ciuitatem & apparuerunt multis. Hinc enim
habetur quod deus post Christi resurrectione gubernat
instruendo nos non solum per sanctos angelos sed etiam per
sanctos homines. non enim uanè apparuerunt multis, sed
ad instruendum eos de uero Messia de quo illius resurre-
ctione. Ex hoc enim quod usque ad tempus illud gubernauit

nos per angelos sanctos & non per homines sanctos /
& tunc incepit gubernare nos per sanctos homines, in si-
nuant noua se adhibuisse media gubernationi electorum.
Et nisi ordini gubernationis diuinæ erga nos / adiunctos
ex merito passionis & resurrectionis Christi sanctos
homines manifestare uoluisset deus, misisset angelos in
Hierusalem ad apparendū multis et instruendum illos:
sed ex eo qd nō solum per medios angelos in sepulchro ap-
parentes mulieribus / sed etiā per sanctos homines appa-
rentes multis in Hierusalē manifestauit resurrectionem
Christi, insinuauit quod ad ea quæ sunt nostræ æternæ
salutis ministerio angelorum adiunxit ministerium homi-
num beatorum. Et tunc ulterius sequitur quod ex ipso or-
dine diuinæ gubernationis quo gubernat nos etiā per san-
ctos homines / manifestatur recurrendum esse nobis ad
sanctos homines: alioquin rediret illud idem absurdum
quod deductum est si non possemus inuocare sanctos an-
gelos, datos enim esse sanctos homines ad nostram utilita-
tem medios inter deum et nos / testatur dicta apparitio.
ad datos autem diuinitus medios posse nos recurrere /
perspicuum ex dictis est. Paulôq; minus absurdum se-
quitur, si deus disposuit gubernare nos per medias inter-
cessionis sanctorum hominum (ut priores scripturæ
testantur) & nobis non liceret ad intercessores no-
stros recurrere.

¶ Quod demum orandus sit à nobis deus per merita
sanctorum, habetur ex Exodi. xxxij. ca. dum moyses sup
plicando deo / inter alia dicit: Recordare Abraham Isaac
& Israel seruatorum tuorum. Hoc enim nihil aliud est
q̃ rogare per merita Abraham Isaac & Israel. Et huic se
adiunxerit prius declarata (uidelicet quod sancti interce
dunt pro nobis) manifeste inferes quod non solum per
merita sed etiam per preces sanctorum supplicare nos deo
è scriptura habetur. Et his si adiunxeris q̃ in idem redit
orare deum per merita & preces sanctorum / & orare
sanctos ut merita & preces proponant apud deum (nam
res est eadem / licet modus sit diuersus: & utrobique est in
uocatio sanctorum / licet diuersimodè) facile perpendes
omni ex parte tradi ex sacra scriptura inuocationem san
ctorum. Et hæc de propositis dicta qui legerint, memine
rint inruditorum esse certitudinem mathematicam quæ
rere in moralibus, & uniuersaliter in agendis à nobis.
Romæ die. xxv. Augusti .M. D. XXXI.

ROMÆ APVD ANTONIVM
Bladum de ASVLA, Anno
M. D. XXXI.



[The page contains faint, illegible handwriting, likely bleed-through from the reverse side.]



ROMAN APPROPRIATION
OF THE NAME
OF THE



